

不至一捷于秦翼再捷于大金間峽三捷于州城之外斬首三百級餘俘馘二百有奇賊大挫逃遁地方底寧撫按奏聞 上嘉獎賜以白金文綺庚申擢四川按察司副使去閩之日福寧士民攀臥感泣立祠祀之四川松藩故維州境外地也軍夷雜處判服不常公主動中機宜形格勢禁一發卽就戮有奸軍周尙武者陰蓄異志公訪知擒其首十八人如几上肉餘黨悉平因條畫五事嚴責成以馭兵威遠權事宜以防奸制變復舊額以賞夷安邊完通餉以足食養兵設官攢以典司出納巡撫羅公崇奎謂疆圉大計

無過于此乃疏請行之而公以西土寒甚不堪壬戌堅請致仕歸歸六年而卒公敦歷中外逾三十年所至功見言信威惠並行固濟世之才也但屢躓屢起竟徘徊藩臬間而止士論惜之公心懷忠信氣稟溫和平雖已貴顯恂恂若儒生及當官遇事則持法毫無假借如毛至剛王守道周尙武等事真所謂凜然不可犯矣聞者莫不歛衽起敬公孝弟儉約尤出性生葺先祠置墓田待母之兄弟與已之兄弟恩愛曲至以至宗族姻黨故舊皆盡其力之能爲各有所濟友人鄭朝濟者父子客死清平公萬里歸葬其骨此古